

## ***Fwêre des albutes.***

Gaston LUCY Y.J.

Pou les cîs ki n' ont nin sté gamins adon, dijans k' ène albute, c' est ç' k' on loume a francès ène "canonière ou clifoire". Is purdint des boukèts d' bagètes du sûzon (*sureau*) k' i voudint d' leu miôle (*moëlle*) pîs ils î mêtint deus frêches (*humides*) bouchons d' étoupe, i parvunint à tirer des ptites rondes pîres k' ârint polu briji les vites (*casser les carreaux*). Avu les minmes bagètes et in r' sôrt du rêvèy, il arivint à lancî des bwès d' alumètes.

Lu cî k' ârot dit ki l' père Blossy, ç' astot in colosse s' ârot trompé in crâne côp, ca ç' astot in bin ptit oume; i n' muzèrot nin d' pus d' 1 mète, 55 du hyôt et i n' pèzot nin d' pus k' 115 lives (57 K°). Lu pîs d' tout, c' èst k' i n' ére nin co malin pou in sou. Pîs, pou lî rfwêre la tchôsse ou talon, coume on dit, il avot co marié ène fame ki n' astot nin bêcôp pus valôre (*valable*) ku loû. Les deus fjint la pwêre, kwè !

Mês i m' fât v' dècri l' père Blossy. Cand i routot, i crawiyot tèlmint fwârt k' on ârot dit k' il alot agritchî les sès d' uch (*seuils de porte*) à mwin gâtche avu les pîds et les vites à mwin drête avu la tiêsse. A plin routage, ç' astot curieu d' vèy les zig-zag k' i gn avot à s' fonçadje (*fond du pantalon*); on ârot dit k' il î alumot. Et l' pus bê du djeu, c' est k' i louchot co, avu ça.

Il è yu in côp ène bèle farce, alèz; c' est l' prêmî côp k' il è sté an ôto. Cand l' tchâfeu l' è vu ariver avu s' grand nez, pask' il avot co in grand nez ou dzeus dou martchî, i l' è fwêt assire à sa gâtche (c' ére in volant à drête, don).

- Choûtèz bin, père Blossy, cand dju srans pou toûrner a gâtche, dju vous l' dirê, et vous frez signe ku dj' vons par la, ô cas k' i gn a vèrot ène ôto pou nous dèpasser.
- Coumint k' on fwêt, oh ?
- Vous n' ârez k' à wêtfî pal vite, drèt dvant vous, nin padrî, savèz !

Lu grand nez è bin fwêt sn' ofice et l' voyadje s' è passé sins rac' chûtes (*encombres*) et l' tchâfeu è yu bin du plèji.

Lu père Blossy nu wèyot nin vlatî les lum' rêtes et les Pépés; il avot co ène sinte frousse dul tounouïre (*tonnerre*), ca i djot k' ile lî avot tumé in côp sul pîd.

On racontot minme, mès on raconte tant, don, k' in djoû k' il ére (*était*) al virée (*essarts*) à trin d' côper âs gnêsse (*genêts*), k' il avot atindu touner, mès co lon, là. I n' è nin dmandé s' rêsse; Il è vitmint rabizé, à djant k' i n' avot jamwès sté si sêré, ku la fâx (*faux*) avot volé voy d' in costé, les bat' mints, dl' ôte, lu coutê d' savot ni A, ni B. Anfin, si dju vlos tout raconter, gn ârot pou jusk' à dmwin. Surtout k' il a flûtot co bin yène à cabaret, èt i n' inmot nin d' vèy les vères plins et co mwinsse du les vèy voûdes !

In djoû, su vèjin , lu père Tachon, lî dit insi:

- Ah!, bin, bon, d' abôrd !
- Eh bin !, père Blossy, tins k' il est co timp, tu duvros bin mète ène pwâre du costé pou la sè (*soif*); dju t' dis ça et dju n' dis rin, sèss .

Et vla l' père Blossy, la !

Cand il ére gamin, i n' avot nin djà trop d' chance. Cand les gamins du viadje avint ène afwêre viêreuse (*louche*), on plot z-èsse chûr k' i trimpot dins la sôce jusk' à dzeus les solés, coume on dit. Insi, wêtèz, figurèz v' k' in djoû, les gamins lî djat:

- Dj' aprouve bin ta rêzon, vèjin, mès tu sés bin k' dju n' tins nin d' trop âs froûts, don, mi !
- Dju vons aler kê du sûzon (*sureau*) ou sûzon du père Noré pou fwêre des albutes (*cliffoires, canonnières*). Tu vins avu nouzôtes, Zande !
- Ay, don , bin chûr.

A sôtant la haye, vla dja k' i s' fwêt in grand cink al culote, pîs avu les ôtes, il è chârpu (*grapiller*) dins l' sûzon. Il astint cink gamins, don, lu cî du Crolé, les deus cîs des Hèsses (*la ferme des Hêtres*), lu cî du clawtî (*cloutier*) et pîs l' Zande Blossy.

Tout d' in côp, lu cî du clawtî atind router. I wête. C ére lu pére Noré k' arivot ou courti. I fwêt vitmint signe às ôtes du s' sâver à lêchant l' Zande tout seu ou courti.

- Eyusse ku z' alèz, dit-i l' Zande sins arêter sa bzougne ?
- T' ocupe nin, Zande, dju vons vèy lu nik du chadronet in pô pus lon dins la hâye. Cwès-nous (*cueuille-nous*) in bon tas d' bagètes. Dju rarivans.

Tout d' in côp, nosse Zande atind router drî loû. Sondjant k' c' ére les gamins ki rarivint, i dit insi:

Et a s' rutoûrnant, là ki wèt k' ç' astot l' pére Noré k' ére la.

- Wête in pô ké brèssîe (*brassée*) d' bagètes ku dj' ê dja.
- Ah!, c' est ti ki vins dins m' sûzon ! Duschins vit' mint mu dmander pardon. Putit voleûr !
- Nonnè da, pére Noré, dju wêtoz jusse après ène place pou mète culote bas

Et tins k' il avot la culotte bachîe (*baissée*), i li è foutu ène boune roufe (*correction*) avu les bagètes k' i vnnot d' rhaper ou gamin.

I gn è pont yu d' albutes çu djoû-la et l' landmwin, nosse Zande nu savot s' assîre (*s'asseoir*) à scole.

- Eh bin ! pôze- tu ciddé ! Dju t' a dêrê mi, et pus vite ku ça, hin !

Rapontiyî pa Louwis Bêdjot, lu 20 du Méy 1999..